



秋澗先生太全文集卷第十三

五言律詩

哀尚書高公詞

維至元十一年甲戌十月壬子故吏禮部尚書高公以疾薨於位嗚呼哀哉明年乙亥夏四月丁巳考工使者蔡鉉自相抵晉始知公靈襯歸葬安陽秋口鄉臨穴者幾萬人僚屬士友會哭皆失聲憚辱知最厚嘆斯民之無祿痛知己之難遇自非歌詞無以寓餘哀而露情臆也廼作挽詩三篇表於素旂之末尚冀神靈鑒茲哀悃其詩曰



翰學期公淺謨猷冠一時立

朝稱極諫連茹愧深知斗舌承天眷風神夢羽儀北

揮千字誅悲絕七哀詩

思公情曷已漳水日東馳

風調翔麟士文章太史辭行身無少玷持論有餘師

落日孤城壯秋風兩鬢絲幾行知己淚東望重淋漓

問望群公表枝撐大厦材印窠空瑞錦風憲黯蘭臺

反拭驚麟出云亡動國哀千年遼海鶴華表倘歸來

枝撐一作扶持

送成耀卿尹溫縣

時河內連歲蝗旱

邑古仍鄉采民屎待尹蘇千年留故事一治聽歌襦

鼎鼎調應切山川慘未濡莫辭淹兩考留潤漑焦枯

奉題趙侯禹卿東臯林亭

雅性便林壑紛華厭市城庭柯交美蔭好鳥變新聲

喜見桑麻長誰知寵辱驚門前輪鞅滿一醉共秋成

物我同天壤流年遠代更高臺方畏景喬木已秋聲

默熟盛衰理都忘悔吝情只須多釀酒時與故人傾

今年秋穫早臺迥暮登時野徑人歸晚煙林鳥去遲

有來飛蓋客日課讀書兒適意有如此此外安所期

築臺連野色架木繫匏瓜舍外開三徑壺中自一家

愛吟歌白紵灑酒脫烏紗更喜南牕下秋風菊半華

野迥門開早心閑起自慵林香芻社壘山暝倚吟筇

半醉留佳客深耕愛老農晚眠誰復覺墻外月明春

趙侯敬愛客每云相見稀不辭高會數但恐賞心違

白酒夜來熟黃花香正菲賓僚多暇日無惜過柴扉

重謁樓桑昭烈帝廟

百里燕南道山河繞帝宮荒村仍故里喬木幾秋風  
簡冊經綸在丹青戶牖空寥寥千載下無媿孔明公  
固安道中時至元六年冬十月巡按四州

十月燕南道提封入按巡清霜嚴比雪枯樹老於人  
尚遠經綸妙須勞撫字頻前林鳥鵲盛喧集戀餘春

除蝗時被命捕蝗武清縣秋

千杖呼聲急人懷愾敵看日長旗尾困圍促鼓聲乾  
人與蝗交戰天將雨助殘東林茅屋底客枕夜來安

秋日過齊衆僧舍

院靜鐘鳴後僧閑暑退初過門無俗客閱古得名書  
衲潤香留几心清月印疏仲殊襟爽在開口見真如

送紫陽歸柳塘時遊孔林回

千古文章事江河不廢流苦心公正閨書法繼春秋  
夢繞秦山遠天教闕里遊會將洙泗教行復正西周

午憇陽城北龍泉寺

倦客鞭催急龍泉一解鞍在家貧亦好行路古來難  
寺古松杉老山空水石寒萬松亭廢久重拂短碑看

碑大定間澤州刺史  
楊庭秀撰真奇作也

簡寄龐雲卿時自滑州判改授濟源令

軹井千年邑提封百里侯剖繁人有賴治簡事彌優  
白鳥翻林表青山滿樹頭訟堂歸去早摠是釣詩鈞

元日夜燈下即事

五十又加三行藏默自諳去年望薊北今歲客漳南

官事何容了君恩未報慙白頭青鏡裏衰謝百無堪

詠史開府宅鶴

超遙華表客吹落故侯家孤潔真仙驥飛鳴稱彩霞  
困眠依竹石飢啄半蟲沙會待秋風舉巢雲養頂砂

清苑道中

野店春風裏行人避綉衣劍華寒有暈山日慘無暉  
孤隼梢雲下群鴉結陣飛驚鷗無遠泛事外本忘機

又作澄清吾有志  
天意肯從違

至元十七年正月十三日己刻出完州

抵暮入保定夜未分雪大作至翼自午刻方

止偶得此詩預喜歲事之有成也

曲逆連清苑相忘兩舍中朝驅塵沒馬夕捲雪填空

已滌崇隆盡仍歌歲事豐小紅燈影底一笑覺春融

一作誰云吾分薄  
所向得史凶

答蠡州天寧寺英老

灑落天寧老携尊復袖詩逢場閑作戲來謁老監司  
白頂憐鄉土清吟說阿師一盃供客笑聊用當門推

枉教頭腦異  
初下問天尋

座中偶得示舜舉舊遊仲賢良醫

半載東州客崎嶇笑自奄事隨時即故老與病相兼  
發伏遺姦拚塞惟愧具瞻君恩如許報白髮且休添

龍門寺

寺古僧何在山空石作門碧崖懸瀑影蒼峽掩朝暎  
不惜山公履重登謝傳瓌一杯須軟脚掃葉煖清尊

辭長樂先壠二首

已丑歲秋九月二十六日將赴任福唐

拜辭長樂先壠歸宿野竹趙氏田舍且

喜聞村之故名因有是作為野竹記

別遠辭先壠歸遲宿近江客牕疑夜煖野雨變晨涼  
游宦嗟吾老窮君仰歲穰故鄉猶足樂誰遣去朱方  
長墓過農里街

恩使遠方氣隨天北轉人與鴈南翔肝膽孤忠在江  
湖去路長此回當自信不必泥行藏

飲食

飲食資吾毫行年六十過三升元有料一口不容多  
過爽心隨滯長虛氣便和不須移遠步聖藥有東坡

辭先壠後臨行作

義重煙嵐薄人微使節光桑榆雖晚景事業見炎方  
回轡知非遠趣裝苦未涼交親留少住馬足健秋霜

望舍弟消息

憶弟居穰縣嗟予宦建陽三書曾未報一別謾相望  
喜信占晨鵲清吟夢夜床殘年能幾許長與汝參商  
後會期初夏遊征動暮秋萬金書渺渺兩地思悠悠  
問竹過門巷看雲倚郡樓南遊曾有話會上沔陽舟  
居守縈家累懷歸畏簡書人憐英蕩重我覺宦情踈  
緩進需安信頻呼斫素魚後溪溪上月北望想躊躇

送趙克敬任孟州同知予為待制時

趙穆從英妙詩書性所安鄉為太史屬今作孟津官

事辦時爲切民恬貴政寬老夫江海去州縣莫辭難

蕭相國廟

在下邑東南五十里即

下粟東南陸鄰城井邑空圖書秦府夢簫鼓漢時宮

喬木秋煙慘頽垣野燒紅數鄉供野祭歲歲不期同

火獵

自歸德以東皆用此法

綠竹連甌遠蒼烟蔽野昏兩傍羅草伴一火趁羣奔

從手遞麋鹿張弓得艾豚縱觀思獵較積柴散燒痕

汴堤道中

細竹沿堤綠秋烟蔽野蒼路荒經柳子山遠指芒碭

勦進心還尼懷歸事巨量縱令空徃返猶得看維揚

十一月

三日宿濉寧夢總帥史子明見

教

矯矯常山帥相望間楚齊夢中親與誨身外別無提

切囑心何朗臨辭手重携何時揮老淚墓額拜征西

次宿遷望紫山不至

河廣舟航小堤長市屋卑宿遷元隔楚淮甸舊連邳

濁浪隨清變香粳問客炊紫山前有約抵事北來遲

淮安州

平野園淮甸雙城入楚州喉襟關重地鼓角動邊樓

聞鴈思鄉信歌魚撫劍緜此行安所遇江海任浮鷗

是夜驛亭無祗待故有歌魚之句

寶應道中

共說淮南冷今冬氣陡增雲垂梅野雪風結漕渠冰  
事弊尋常密吾襄用不能據鞍時自笑休若直如繩

出寶應雪中舟行

避冷乘官舸風蓬去若奔兩陂雲影黑一片雪花繁  
景與詩相會寒無酒可溫泥橋投宿處寒日暮鴉昏

高郵道中二首

築甬餘三百灣環護漕溝重橋穿寶應一岸入高郵  
水陸開亭轉烽烟靜塞愁腰纏無十萬官遣上揚州  
湖浸通淮水孟城隱楚防百年勞士卒一擲失金湯  
陸走無關禁舟行半海商此邦多秀彥國士說秦郎

召伯埭

謝傳留遺愛千年尚不忘埭名同召伯郡號屬維揚  
煙火今中土干戈舊戰場離離平野樹人指是甘棠

一作謝橋埭過十里藕花香又一作野人誇藕花香又一作

揚州贈史左丞按都時宣慰維揚

淮海維揚域金湯勢尚存車書歸一混鯨鱓失孤吞  
樓鎖行雲夢岡環洗玉盆治安君有策長嘯出東門

衢州

我歷江南郡凋殘不似衢兩坡稱鬧市一炬變荒蕪  
反側誰無識瘡痍意未蘇殷勤陳別駕不厭拊循劬  
早發三衢驛開關放曉裝江風吹帽側山月照衣蒼  
馬渡浮航水雞號野店霜爛柯聞有局無分躡仙梁

州南三十里有石梁長約數丈謂之爛柯仙界

玉山道中

石徑行無盡清溪送馬蹄啾啾啼野鳥擦擦喚多泥  
松暗增晨黑川斜入望迷比明三十里已過玉山西



常山道中晚行

土磴盤黃嶺人家住碧峰焚林人逐獸競渡水為龍  
水獲無過夏山行不識冬斜陽留絕景不放晚烟烘  
信州道中

控帶谿山嶮襟喉福建門吳音饒駛舌越鼓聳邊屯  
岸闊浮航小城卑夕靄昏不煩詢土俗煙嶺互相吞  
石溪道中

赤嶺鉛山界清溪野店橋株林烟漠漠沙路雨瀟瀟  
馬慣行安嶮禽幽語弄嬌西山晴更好詩思苦相撩  
鵝湖寺已丑冬仲望日雨中過此坐間為

主僧希聲留題 希福州人

湖頂開鵝沼川形偃法船寺留金粟影僧結草鞋禪

地勝多珍木山空響夜泉寺僧談遠跡張本永貞年  
唐順宗年號

閩中

錦綉無諸國曾經漢武荒祝融開火宅颶母擅風囊  
淵萃逋逃藪人依虎兇鄉閩中不識雪何有易冠霜

閩清湯池留題

熙寧十年八月赴福唐元豐元年九月

被召還朝往返皆經此十五日南豐曾

鞏題僕以大元至元廿六年己丑秋按

部來閩與公裔孫冲子同事明年秋以

理去官與先生往還時月略同曠世相

符有似非偶然者摩挲刻留詩而去

重九前四日小子憚序

潦倒嗟吾老，淹留近歲終。客星回海上，桂棹發閩中。  
速宦無遺累，歸帆得順風。湯池看蘇刻，往返似南豐。

建寧北苑

宋寧宗曾開邸於此

北苑繁華歇，名猶博望尊。野花疑壓珥，徑草半蘭蓀。  
軒縣歌鐘暗，宮樓峻址存。我來凝眺久，喬木晚煙昏。

望嶺

谿嶺無千里，崎嶇半月間。事機須勇退，天意許生還。  
順處從多厄，趨時免強顏。越禽忻我往，長路語關關。

鵝湖道中

細路山園靜，煙蘿野寺濃。俯躬外峻嶺，仰面看喬松。  
道在從時背，才疎助性慵。有身官不屬，一任老龍鐘。

是日得臺報故云

題柯山寶嚴寺壁

同遊者山長趙文龍前教授徐夢龍

友教官余性道

二人皆廣信人徐有文筆甚健

府推官

保定張式儀甥別駕東平陳珪國寶子

公孺侍行至元庚寅冬十月望日秋澗

老人題

龜阜西南麓，名山世未雙。爛柯仙有局，絕觀石為缸。  
事去空遺史，風恬愛此邦。來遊情眷眷，留詠寄僧牕。  
喜得陳西友來遊，興不孤江山開。惟供風月闕清都。  
閱世驚棋局，看題倒酒壺。暮歸應捆載，只欠畫為圖。

首夏家居即事

懶憤從鬢鬢披衣任曳裾都忘身外事貪讀意中書  
比老心能爾雖貧樂有餘繞園欣細履樹影綠扶踈  
竹茂資泉潤花榮藉圃沙鈎廉來舞燕鎖樹護栖鴉  
客至留醑酒吟長待煮茶幾時容却掃一向似仙家

方竹杖

節勁嫌園甚形方與衆殊任從炎漢斷不變魯人觚  
心曠謙中守姿堅義外扶蜀笻非我友蒼簡乃吾徒

枯燈花

步入東瀛丈吟看北檻花春風收翠葉烈日發炎葩  
一氣元無間孤根乃爾差鄭箋初不及堯詠只空誇

送杜簽事之任江西

憶在齊州日同聯憲府鑪群居推健羨孤繫車超遙

此去雖殊域規爲祗舊條將身能道護所至儘風標

和幹臣重九日雨中醉歸韻

高會有成約寧爲一兩妨烹鷄酌白酒煮芋臭秋香  
落帽同嘉興霏寒等陞卽醉歸從健倒聊復少年狂  
今歲登高節佳招兩有妨閉門時隱几掃地靜焚香  
安得黃金耐同傾白首卽醉鄉多樂事何祗發詩狂

事地一作

舍弟仲略題孫韃郎名字說後

訓汝諄諄意竒文見迺翁洞堅威可大棲鵠體須中  
旣應開先兆當知矯揉功遠期遺近効羽夾看摩空  
贈欒子英詩子英冠州人時爲農司從事

子英外郎孝廉士也十年前予與共事

於沙麓者凡兩月今歲秋將

命過衛踵門來謁話間因及親喪事予  
以伏臘二氣遇之者固異然歿而不壞  
及膚髮猶生如藥氏二親者蓋亦罕見  
豈廼翁與媪生有所積而歿有以孝心  
之所感者然邪乞言顯親書此為贈其

辭曰

孝感元多異樂翁見化形初終神不昧將祔兩猶生  
盡謝青蠅吊堪書翠琰銘百年風樹底悽斷莫義情

贈岳鍊師仲和

今年八十四健勝去年時豈假還丹力沉潜繕性辭  
骨清儀野鶴神爽見毫眉更有虛明處物來多預知

月挂

花名誰品藻歲與月華新不為孤根細能留四季春  
色深丹竈術葉映碧苔裊我近雕欄側終朝倚杖頻

賦白鷗

羽族幽閑品霜毛縷黑章聳冠矜耿介蓋羽棲止不  
雜林象禽也  
顧影惜飛翔去備虞人貢行觀

上國光刑毛琪樹底無夢海山蒼

京華舊俗歲終廿四日諸神上界夜家人  
設祭遣奠致詞且有過惡揚善之囑遂作  
小詩庶見風物

五祀開三代人間閱歲華交更同選調遣奠具飭茶  
天關神駿馭燈清喜結花逢新如有問萬一善相誇

扣曲山冬夜即事韻二首

清苦周南樂居官素有聲  
老天何汝困公道欲誰明  
瓶罄憐三白衾寒盼五更  
持鬚傳賞識吟苦撚霜莖  
雪夜清無寐瓶笙細有聲  
茶鐺吟待熟虛室白生明  
白髮催人老青陽迫歲更  
湛思盤露重何意望脩莖  
奉酬舍弟仲略見竒之什

隔閣三年別回還萬里程  
細吟遠遶句深見友于情  
路眇霜風勁吾衰體履平  
家貧渠亦老一動不爲輕

挽宋耀州漢臣二首

每有遊秦士慙慙問宋侯  
相望無兩紀一別便千秋  
斗酒新豐客堂封渭水  
丘題詩何限恨老淚不成流  
斗酒新豐客龍門接上游  
相望纔兩紀一夢便千秋

銘德辭無愧親民政取優  
兩行知己淚撫卷爲君流

辛卯歲十二月望日大雪連明  
信宿開霽日色暄妍如春  
乾坤清淑之氣肅肅可挹  
數年來未之見也作小詩以紀

我覺今冬氣全關燮理權  
一寒嚴徃歲三白見豐年  
地掩浮陽靜天開麗景妍  
不應薪米價愁計盡義錢

五加皮酒

服食閩中士加皮說異常  
精華含五氣補益最多方  
不羨黃金載長澆白玉觴  
豈惟除濕痺志意日安強

題杜氏六子名後

六子名三老餘芳見故家  
翰音鳴彩鳳翠蕙映蘭芽  
出拜濟南日今看漳水涯  
一謙能事畢題詠復何加

燭花詩李真人索賦

燦燦銀臺燭清光散彩霞誰分壺內景來種火中花  
一轉芝香蓋孤芳蕙茁芽殘年如喜合世事任無涯  
火觀

兩手寒來瘰摩挲賴汝温形骸雖土物氣勢多權門  
燕玉休誇暖湯婆可比尊心兵全不起留在谷神存  
題甘河遇仙詩卷

惚恍甘河遇生龜脫殼時二仙形姓字一酌悟天擘  
入道茲玄微尋源接上池崑山文寂雅略不見謏辭

和仲常牡丹詩并序 三月廿三日飲中作

仲常良友氣温而德雅余愛之重之未  
有擬諸形容爰因賦詠遂見賡歌故情

之所鍾有不嫌於太切者其詞曰

漢殿承恩早金盤薦露新色酣中省藥香重錦窠春  
儘殿群芳後誰辭載酒頻清如司馬相也作插花人

題郝氏世德碑後 其嗣侯今為蜀省參政  
所謂和尚萬戶者是也

故國非喬木雄藩有世臣河山盟帶礪勲業畫麒麟  
白羽沉蛟匣青雲滿後塵雅歌平日事遺愛在斯民  
草昧經綸際恩威見郝侯功成韜將略德洽配汾流  
金甲春農野黃雲畫角秋哀榮何百世千古仰山丘

八月十二日夜病不能寐步月達曙

官事未易了癡兒昧獨勞病多和夢異蛩苦為秋號  
事業青燈苦星河紫極高  
帝城人海裏汎汎一漁舸

大行皇帝挽辭八首

至元三十一年歲次甲午正月廿二日  
癸酉夜亥刻

帝崩于大內紫檀殿既殮殯于蕭墻之  
帳殿從國禮也越三日乙亥寅刻

靈駕發引由建德門出次近郊北苑有  
頃祖奠畢百官長號而退臣憚職在詞  
館追思不已作挽辭八章庶幾鼎湖攀  
髯之意其辭曰

藥水

龍飛日長揚羽獵時

天顏凡五見兩淚遽雙垂化日中天赫

陰靈萬國馳何由知

帝力耕鑿樂雍熙

晏駕纔經宿轉車出建門千官紛兩淚

六馭迅龍奔雲氣蒼梧遠天山禹穴昏依光瞻日月  
頌德象乾坤

威破群雄膽恩藏四海心聲明三五盛垂拱九重深  
國論多儒斷天機入

睿臨小臣勢面血無路灑松林

聖神由廣運纂述到無加禹甸逾輪廣殷邦極靖嘉  
尊臨三紀久遽陟九天遐白首金鑾舊長號自倍嗟  
端月辰臨酉

淵衷弗寤興紫垣蓬華學杞國駭天崩法從嗟何及

朝臣痛不勝

聖靈知在上春草認封陵

去歲回

鑾輅旌麾擁萬靈今春辭畫翼弓劍闕泉高

黼衣虛瓊島雲龍慘

帝庭是夜殿燭然良久方散詞臣思補報淚濕簡編

青

論治方堯禹求賢到釣耕民區無二上廟筭有奇兵

萬萬風煙靜中天

日月明小臣思頌德終了是強名

帝系三宗上麟經一統尊火盤承正據虎落入推吞

窮蹙南交獸奔騰北海鯤不教擒一索遺恨付

皇孫

題冀州馬同知拜慶詩卷時九十七官鄉

矍鑠征南將忠勤為國知任官無調轉享壽到期順

錦爛行春里香生拜慶詩滿前蘭與玉又見福生基

秋日下直玉堂

下直玉堂廬閑拖過市車秋風殘暑候積兩暮涼初

撥置難行事尋看未見書萬緣前已定不樂復何如

餞安南國王弟回鄂渚

萬里朝天道歸軒寓武昌觀光吳季札助順漢閩王

寵渥心逾赤詩新桂有香瘦樓回首處秋月興元長

雪夜聞鐘元貞元年冬無雪十二月廿一

日夜大雪喜而作此



雪屋燈清夕踈鐘定夜鳴撞餘週遠韻聽久喜雙清  
爐火留孤坐茶鐺待一烹已眠猶未寐詩向枕邊成

王氏拜慶詩并引

集賢大學士王顯太夫人張氏元貞丙  
申壽八十有八視聽聰明起居康健剪  
製纂組之事老猶能工正月十四日蓋  
生辰也中書右丞張公以升堂拜禮義  
重諸人前期誕彌啓之

太母特召見宮閣存問再四嘉其賢淑

留燕賜幣下暨二孫皆霑

寵渥明日翰林諸君相與奉觴上壽百  
拜獻詩張當卷首

九秩康寧壽親承

燕賜恩香融彤管煒春滿綉輿溫世與名郎孝天全  
五福尊佩環聲合度清響徹宮門

賈仲和慶八秩

君前宋魏國文元公遠裔其家世備見遺山所撰千

錄後

太史徵文獻陰功滿諫章諸孫宜曼衍八秩見康強  
孝義聞東魯簪纓慶北堂千秋遺錄後奕葉又生光

慶闈庭直壽母詩

洗髓黃眉壽儀尊五福全雍容班姆訓瀟洒謝庭仙  
致樂孫能養居官子更賢露恩行有日香重誥鸞戩

送喬元朗

疆理初無外軋坤大統齊

漢恩同一視星鳥望中低海甸沉銅鼓

天書坼紫泥

皇威能遠暢歸旆拂雲霓

榕樹

南來過劍府嶺岸樹多榕繳結如蛇蚓堅凝比栢松  
葉芽生挺代陰影散芳濃鶯羽群飛日凋零却是冬

五言絕句

贈高邑趙教諭

坐久槐花落黃金滿石牀一杯春露吟情話不知長

冬藏和曲山詠懷嚴韻

吾道有污隆人情逐冷暖自憐心事佳不覺天機淺

一作克教松意無  
任使天機淺

貧居固鮮歡漏盡行當止只有若吟心時時為高起

巨鈎釣鮮鱗其勢兩難着何當掩長園為君獵麟脚

却掃吾未能人事日復日泛愛聖所稱亦復論損益

才踈詩倦吟年老酒當止君看古井波澄湛白不起

安坐

此心與天游老我無繫着坑頭有春温安坐收兩脚

讀史

紛紛世利塗翳翳桑榆日賢哉向長心一損勝三益

詠梅

折來何處梅自擬孤根暖寒花本強顏風味空不淺

已亥歲門帖子

不羨陶朱富非悲阮籍窮愛君思道泰憂國願年豐

暖呂丈扇頭

井道養不窮濟人非望報過飲投青錢取廉非正道  
秋雲自激

行雲映空明嬾姪翻輕轂風吹不成雨日暮空相逐  
夢中得

燈殘細暈黃月落孤牕白惡夢不成眠幽魂驚撇捺  
出門二首

因酒敗佳意方知百拜輕忘機甘李喻重賦赤霄行  
踈拙傷吾性傾危見俗情出門山自好秋色浪崢嶸

望淮

朝日慘無色昏昏水氣間到淮猶數里隔岸見尖山

夏夜

庭竹影扶踈清風晚騷屑夜涼人未眠卧看牕間月

出門

東風吹陰霾朝來晴霽開放眼門前去青山城際來  
雨後看山

西山色蒼蒼雨後如新沐天高晴意寬歸雲滿巖谷

夢中得

持酒濯利劍青蛇光黯然金鞭鞭駿馬汗血沾錦韉  
喜雨

癸丑六月旱草木變萎黃夜來聞雨落起舞亂登床

秋夜

西風入庭樹掩冉衆葉鳴幽人不能寐愛此秋雨聲

中秋制中對月

露冷庭梧墜天高月影長清光不堪撥和淚濕衣裳

披襟

涼風東北來蕩盡中夜熱起視河漢星微雲淡明滅

秋澗先生大全文集卷第十三

秋澗先生大全文集卷第十四

七言律詩

哭劉房山

紫髯山立蔚揚休書學推君到晉流文壇氣嚴驚卧  
虎墨池星黯失蟠虬眼中人物嗟何及身後珠璣散  
不收我擬九歌投濁浪重傷吾道轉悠悠

中秋月

夏苦蒸雲歲晏霜月華還覺此宵良天容澄徹銀河  
沒桂影飛來海氣涼老魄不應秋更苦賞心多爲事  
相妨一杯儘吸清光了洗我平生芥蒂腸

送王嘉父

新知雖樂道彌親樽酒燈前便故人時宜儘從閒處

着浩歌還愛醉時真紅蓮幕府名兼隱春草地塘句  
有神恨煞百門山下水錦波流不到東秦

一見襟期倍所聞霧嶠玄豹隱奇文清樽浩月應無  
幾赤日黃塵遽爾分濁酒可因微恙止天葩寧為舞  
裙芬百年湖海論文地與在天東日暮雲

和靖教授送行詩韻

出處初心度義行蒼天誰識此精誠十年載質孤懷  
苦一宦縻人弊疑輕時事失聲驚破釜暮連晴泛媿  
參卿夢歸夜夜栖巖桂猿鶴無勞久怨驚

秋日言懷時先考卧病

雨後秋堂早暮涼竹風飄蕩藥塵香身間正坐詩成  
癖親老何堪病在床書卷日隨秋草亂壯心愁入野

雲蒼摩挲老鏡蓬窻底也效樊川洗鬢霜

清明日錦堤行樂

浪說蘭亭禊事修年季春好錦堤遊花翻舞袖驚鶯歌  
板柳隔高城暗酒樓綠樹恐應春事老金鞭重為使  
君留竹西路晚歸時醉何處珠簾半上鉤

八月十九日雨晚晴

積雨收霖景氣清物華雖老覺容平閒雲知倦爭歸  
壑飛鳥趨林不計程山嫵翠鰲驚突兀天浮圓蓋失  
枝撐化權舒慘吾何預要擬樊川賦晚晴

上史節使晉明壽

尚父忠勤歷五朝承家又見鳳遺毛神鋒麗落青冥  
闕秋隼騫騰華岳高治化載清遵定法德容克擴浹

吾曹年年盡載清香地常對秋香醉露挑

南城納涼晚歸

書院歸休日已曛南城風細晚相親坐來近市喧初  
息歸到衡門夜向分矮榻趁涼欣稚子踈燈留影伴  
厨人一盃粥了從高卧須信閒身等策勲

七夕立秋

庭竹風生好雨過碧梧飛下鳳凰柯人間一夕驚秋  
早天上雙星恨別多鈿合蛛絲遺暗網綺樓雲影淡  
明河柳州羨煞天孫巧其柰微生賦分何

涼夜

祝融帖權不肯退一夕好風吹暑回雨氣淡從雲尾  
散秋聲涼自樹頭來渴懷夢濯西江水逸興歡逢北

海盃憑語蘭臺宋公手莫因雲物詠悲哉

八月十一日夜坐

展轉秋懷鬱不平憮然方寸若為驚學踈久昧天人  
理親老尤深喜懼情坐對燈花供笑語靜聞庭樹散  
秋聲大家但使康強了未害窮愁老此生

雪晴望 壬子歲正月

滑滑春泥雪意融出門藜杖任西東光風漸好茅簷  
喜煙火全踈傳舍空三穴既能容狡兔五噫誰復羨  
冥鴻更爲着眼登臺處頗覺江山王氣雄

題何練師巨川虛白菴

西風吹下鏡湖船來作空山避世僊採藥遠辭滄海  
上結茅歸老白雲邊鑑光應物元無物素質能玄本

不玄莫遣碧桃溪畔水暗香浮出洞中天  
鵬雲蹤跡若垂天收歛都歸一室間塵境夢空祥已  
止松巢枝穩鳥知還潭心印月清無滓谷口橫雲意  
自閒想得翠蘿幽隱處天風和水瀉空山

太康展江亭

籌筆規模蓋世功新亭高構繼遺風乘秋閱武邊聲  
靜臨水投醪士氣醲騏驎繼聞空塞北樓船行復下  
江東慤慤淮水東邊月幾照元戎坐折衝

送紫陽歸柳塘

掛冠神武急趨裝歸隱秦中舊草堂海內共知元氣  
在井邊已仰德星光眼明華嶽蓮峯翠路入函關草  
樹黃頭爲山靈報歸日綠楊陰合鄂南莊

送蕭四祖北上

丹鳳銜書下紫庭秋宵光動少微星蒲輪再起秦遺  
逸天意將新漢典刑長策正勞黃屋夢故山從使白  
雲裔中原有幸經綸了天外高鴻本自冥

上闕閣學士

初來軍儲字子清蒙古人官至中書左丞

六轡聯翩走使車繡衣風彩漢相如紛紛漕計歸鞭  
筭戀戀丹心在

帝居折節不知軒冕貴齊年竹奏便宜書從今慰却  
蒼生望一點文星照玉除

壬子夏六月陪蕭徵君飲方丈南榮同會  
者烏大使正卿董端卿經歷學士徒單雲  
甫張提點幾道王秀才子初泊家府小子

憚隅侍席末云

脩竹脩脩風滿廊夜深樽俎得餘涼浩歌聲繞銀河  
水畫燭光凝燕寢香雪蟻十分浮大白德星一夕聚  
高堂停盃更待東山月要汲清光洗肺腸

送王子初東行

岱岳西南碧海東青齊中據震維雄驚猿別鶴休增  
怨詭觀音蹤得盡窮劍暈寒輝騰寶氣馬搖金蹠健  
秋風欲知別後相思夢多在西山紫桂叢

杜君美耕隱堂

厭喧恥向市朝居歸隱南城舊草廬黃葉落時農事  
隙青燈明處夜窓虛寫懷草就凌雲賦貯腹看殘種  
樹書翠竹白沙村路晚月明幾駐故人車

春懷和木忽坦夫韻

茅屋春深懶閉藏出門藜杖獨相將春光暖透芝蘭  
谷風色妬殘桃李場論政舉知南國弊賦詩休詠北  
風涼浮雲軒冕非吾事擬訪無功覓醉鄉

雨中與諸公會飲市樓

每恨人生會合難興來一醉盡君歡兩沾翠佩簾花  
細酒凸金杯飲興寬胡旋舞低翻翠袖串珠喉穩怯  
春寒朝來酒醒蓬窓下依舊春風首藉盤

秋漲後晚訪王桑克書舍

種柳堤邊起暮吟黃金不博百年心垣墉傾圯水初  
退門巷蕭條秋向深但遣歌詩酬野逸儘隨鄉社共  
浮沉鄰壻酒美中秋近明月柴門約重臨



報子初以書見慰

擁鼻吟成嘆索居眼明驚見故人書邊城秋靜沉寒  
杵畫戟門深曳翠裾契闊祗應分一水笑談曾不廢  
三餘咎君不忍虛來意呵筆裁詩雪滿廬

春望

黯淡春雲雨意微小樓孤影立斜暉書能引睡聊遮  
眼酒可攻愁任典衣桃蕾有情含笑發鴈行無力拂  
雲歸倚欄不盡登臨意獨對東風詠采薇

冬夜坐

虛堂人靜鼻窺燈霜葉瀟瀟散雨聲睡眼看書渾勉  
強夜窻得月喜虛明漫漫長夜何時旦悄悄孤懷百  
慮橫到底麤官男子事幾回投筆壯班生

砧帟

鵝溪蚕繭太豪華新帟蒙茸隱細紗不惜秋砧聲夜  
杵要翻新法自吾家搗勻楮敲光舒練拂散龍煤字  
點鴉我錄詩書何所事擬尋源委泛靈楂

夜歸

月波環暈晚風淒賓館歸時獨杖藜曲巷門深驚剝  
啄小樓燈影自高低歸心有限先回鴈世事無心類  
木雞淡蕩春風二十八忍將書劒坐羈棲

壽周都運

劒佩龍樓顧遇頻漕臺今復試經綸平生許國丹心  
壯此日承家玉樹新德量潤涵淇水遠壽杯光動紫  
川春朝天好在明年日金印重看拜伯仁

秋雨有懷呂丈子謙 時奔喪夏津

賓館光陰一歲中飄蕭吟鬢感秋風  
久諳世事無多味靜覺書編有細功  
四壁夜蟲秋思苦一窓寒雨客牀空  
對眠不見蘇州守縱有新詩愧未工

壽王參謀二首

郁郁卿雲霽士林不應止作一方霖  
無媒致位寧私已有子傳家足慰心  
中卷在庭公事簡壽筵浮彩蟻罇深  
非詩莫頌千春德喜對梅花入細吟

典郡風流漢表儀一方春物自熙熙  
謝公雅量推平昔揚震高風到四知  
畫戟清香凝燕寢東山春酒照芝肩  
政成不獨褒金爵賢守恩波在鳳池

贈元仲一書記

名寓緇衣行碩儒蒲輪却走事巖居  
萬緣擺去聊乘化一念深來為讀書  
黃閣經綸宜自重青山談笑未全踈  
相望未入廬山社日暮碧雲思有餘

和仲一詩韻

世事紛拏八九遠未容丘壑淡志機  
須知霖雨思賢佐終擬卿雲挾日飛  
麟閣勲名驚壯節虎溪公案覺前非  
會看杖策軍門去滿眼行山空夕暉  
娛志詩書不厭貧蟄龍冬卧不求伸  
應憐擁篲侯門下何似行歌澗水濱  
沙鳥忘機還自樂池蛙睜目欲誰嗔  
悠悠物理吾難料會得摳衣問上人

送百德正臣之汴梁

君璋序秉仰高懷賓館相逢一笑開  
過眼摠非如意

事著詩時遣不羈材人驚駿骨空燕市夢逐秋風上  
吹臺去去當途足知己未應空使劔鋒摧

贈王脩甫

樊川風調錦囊詩邂逅青樓豁所思得酒愛澆吟古  
健放談時露劔鋒羞香翻月力情難極風入庭梧鬢  
已知過眼紛華終寂寞望君冠蓋鳳凰池

挽趙父師提舉

疋馬南來及撫棺磨龔空使憶當年師資有道無虛  
飾賦業推公得正傳黃鳥此時空止棘青藜何處伴  
譚玄緬懷壽德宜無憾可忍羈魂似粵阡

送盧叔賢之鄧州

萬里風雲入壯懷斗南人已識奇材重看綠水開蓮

幕宛勝黃金築隗臺鈴閣風清談塵靜星屯煙暖漢  
旗開後期竚聽平安報定逐梅花驛騎來

壽王子初

彩鳳高翔欲覽輝十年書史董生惟持心不為紛華  
奪尚友常先遠大期內富經綸隆事業外涵風雅養  
詩脾赤霄玄圃春風細百歲相期拾紫芝

自適

旋收栢實炷爐熏紙帳低垂自有春竹几隱眠無俗  
夢蒲團容膝勝華裯窻間白日驚濤迅門外黃塵萬  
事新幸與聖賢相晤語未辭藜藿此生貧

登熙春閣

封丘門外故宮傍天閣空餘內苑荒瀛海夢空三島

沒帝城煙慘五雲蒼石鱸照水鱗猶動金鳳凌雲勢  
欲翔竒貨梁園當日盡為誰留在閱興亡

哀故宮

掖庭依約粉垣丹行入荒宮重黯然華表忽驚人世  
換昆明重見劫灰寒石龍委地埋秋草湖王臨池倚  
暮煙滿目悲風吹酒醒東華門外淚闌干

送趙相君北上

漢旆當年入汴州布衣曾此識君侯夏盟自列葵丘  
會驥馬空騰瀚海秋萬里風雲橫寶玦九天名姓動  
金甌南遊正值朝天去望斷春風五鳳樓

登凌雲閣

布衣塵滿戴儒冠風袂來登上將壇棟藻雲飛朱拱  
濕簷牙霜重玉梯寒風煙遠勝籌邊迫氣勢雄吞汴  
水乾經略江淮有成筭不須重展地圖看

送王子初之鄧州

東風霽雨泛晴光桃李爭妍出短牆春意似留行客  
傳百塵都釀燕泥香三盃別酒清明後滿眼春愁錦  
瑟傍一曲劔歌心事遠綠波南浦未應傷

送郝伯常歸堡塞

書劔南辭祀國天一歡傾倒酒爐邊鳳麟瑞質驚千  
古江海詞源浩百川吾道莫傷今日否斯文將付後  
來傳驪駒歌斷青山暮愧未長遊從馬遷

贈李幹臣

少年心事便拏雲不着清談解世紛自得士元參別  
駕僵摧伯比張吳軍一江夜雨供吟筆万里征鞍逐  
鴈羣早晚春風笳鼓地更看詩壘策奇勳

登資聖閣

傑閣當年瑞靄氤亂餘金碧半塵昏豈知象教移中  
士猶揭雄名護國門法界冷沉梁苑月寶香難返汝  
陽塊傷心五嶺騰煙語舉世從風莫與論

跋西蒲老人燕處圖

甫脫孤城百戰危蒼茫何處跨鯨歸百年有感悲風  
樹一旦無依足孝忠遺像儼然留故事寸心聊擬答  
春輝遠游剩袖如瓜東海岳相逢會有期

上史相公壽

麟閣勲高誓不磨戟門春靜雀堪羅盟高踐土尊王  
切恩入河南受賜多好學世推同社預薦賢人道過  
常阿稱觴何限輿人頌細逐春風入凱歌時自鄧鄩

過楚卿子冠軍宋義墓并序

乙卯春三月予東如大名道出內黃鎮有廟  
在民居之南曰項王廟廟之址即卿子冠軍  
宋義墓也且以往昔墟墓間恍惚事來告予  
甚鄙焉獨於義之死有所感焉噫義奇士也  
初武君舉兵渡淮而西城攻野戰勢若破竹  
義之力居多及師次定陶再戰而再勝也見  
梁志滿氣驕識其奪魄後值崩潰果不踰素  
義可謂深知兵矣至羽請師抃趙執以不可

觀其籌畫號令攻取先後之方誠上將之略  
惜不使差肩三傑北面以事高祖及區區委  
質天父厭之楚與羽並驅爭先西向以舉虎  
狼之秦何其不幸者哉雖然方秦之失鹿也  
羣雄蝟起以蛇為龍者不可勝計布衣皇皇  
之士能明目識帝王之真而歸之者蓋有之  
矣誠未易一二數也至若淮陰韓信陽武陳  
平一旦起而盡為楚用初且不知天命集漢  
而後卒歸于漢功業如此幸也嗚呼俾天假  
義年脫身項氏策杖以歸真主其功名當代  
縱不能廁三傑之列未至與噲等伍耳嗚呼  
義何不幸也哉義何不遇也哉因作詩以吊

并著予之感云

老項捐軍執已孤擣秦遺趙見雄圖奇才惜不遭龍  
準赤手爭教將虎鬚日月不為荆楚計干戈空為漢  
家毆因君重起無依嘆羨煞中林得止鳥

元齋為仲希賦

生平襟度玉無瑕天馬精神出渥洼北海鑄壘無暇  
日德公賓主到通家山高仰止人皆慕齋用元名意  
匪誇教子以經平日事不應遺實取其華

過朝歌

山勢西來擁廢宮荒烟回首接南鄘緬懷藝祖初經  
野忍見狂童到覆宗野水作聲知客恨幽花含露為  
誰容千年快意商郊戰流謗爭教有二兗

銅臺懷古

都邑盤盤據四衝登臨形勢覺天雄歌樓暖響春風  
細綺陌香銷寶氣空笑着孱王承宋獎至今嘉孽擅  
唐終憑高誰識神州恨付與衡漳日夜東

佑德觀早起留別道人陳彥達

碧挑花露濕衣涼宿酒醒時夜未央浩浩市聲喧曉  
枕搖搖星影入虛堂春風醉袖愁分手秋雨吟燈約  
對床後夜月明東北路呂安歸夢半嵇康陸書山詩

寄蕭茂先

飄蕭襟韻恥嗷嗷醉裏青衫兩鬢秋通介不隨衰俗  
受清貧當向古人求城居真似玉川子鄉思空懷馬

少遊蚤晚臨漪亭畔月一樽重為紫髯留

晚菊

竹瘦松枯怨歲寒為誰含露散幽妍疎花儘秀開何  
益晚節能昌固自賢採擷落英悲楚客破除秋色靜  
斜川不辭潦倒東籬下桃李成蹊世舉然

聞詔

灑水嵩呼萬歲觴綸章飛下紫泥香九天空有風雲  
變萬國爭依日月光草木變衰元氣活乾坤開睿老  
陰蔽兩都耆舊欣相告四十年來未省嘗

陽穀道中有懷黃石公事寄呈敬齋姚公

雪齋請益初心在東郡趨庭宿願償黃石有書開帝  
業布衣無地着恩光自慚國士思圖報敢暴孤懷不

自強巾卷在庭循誘際佩懷言行愈難忘

趙御史挽章

振藻儒林起趙宗殿前一賦已摩空筆參造化陽冰  
篆氣屏權豪御史駘養老正期來祝哽招魂何意入  
新宮影堂一拜情滿悽瑞露香殘翠竹風先生比化廿  
露降庭竹上

上王翰林

白衣如鶴禁闈春九萬曾搏北海鷗獨翼龍顏潛代  
邸親承雲錦織天孫兩朝耆德尊元老千古雄文說  
赦恩寂寞黃金臺下客詠歸心久在龍門

夢受庭訓其中領景二聯蓋

先君之意云

老月驚風夜色蒼羈魂明隨几進傍青容恍對先生

在教戒無多止義方歎似傷時祭闕松揪應念墓

田荒牽衣未畢城烏起曉枕縱橫泪幾行

贈孟文伯

秋月堂深劍履寒相逢一話破春顏心君意豁礪囊  
穎豹體文竒見霧縠孤節共高殷侑壯片言誰拔子  
卿還笑拋燭影金釵夢長繞天墀十二間

壽姚宣撫

咸池朝日觀離明羽翼功高見老成相體共推安石  
雅襟期全得伯夷清黃金眼冷燕臺望赤羽心馳魏  
闕情鄭重一杯千歲酒調元消息在新正

周仲寅處覓貂帽

炙手權門已強顏崩繼未免向人彈晨鐘聲裏霜侵



鬢蘭省臺邊雪滿鞍貂恰擬從公子覓客床應念廣  
文寒何當花影烏衫側一笑春風拍盡欄

邢夫子拜慶詩軸

對君如讀開元報歷歷聲明見典刑款曲每憐名父  
子顧瞻疑是老人星一言楚獄陰功厚百世名談汗  
簡青濱海歸來非我志春江乘興看浮萍

鎮州懷古

趙武雄圖不可尋風煙東接九門深炎涼到此分南  
北戰伐無情自古今彈躡流風猶戰國推埋遺俗帶  
燕音劔歌不遇平原客落日滹沱動旅吟

祇謁 昭烈皇帝廟

一劔功成百戰場三年章武事堪傷力扶漢祚圖燃

燼規取劉璋出侮亡若論託孤徒啟篋試評含泣到  
分香秋風一朔宗臣血五丈原頭落日蒼

燕城書事二首

都會盤盤控北垂當年宮闕五雲飛崢嶸寶氣沉箕  
尾慘淡陰風貯朔威審勢有人觀督亢封章無地論  
王畿荒寒照破龍山月依舊中原半落暉

朔風千里捲孤蓬斗酒難澆碣磊宵清濁滄浪知自  
取蒙茸狐服竟誰從燕臺坐老黃金客甲第爭高白  
玉鐘撥土硬成千尺榦露恩初不負崑崙松

望西陵

漳川北岸望西陵馳道東連講武城將略有餘開戰  
伐墓碑無謂自題評一棺何在彌天力九錫徒誇盜

漢名千古遠墟冷煙底定軍山樹拂雲平

牧野道中

野人川浴振裳衣况接恩波沐鳳池莫訝出門何刺  
刺須知去國自遲遲河橋飲餞無千騎文物聲明又  
一時有淚不揮離別際西風空送鴈行悲

奉送平章趙公赴

闕庭之召少荅省檄見招之意云

龍旆南還沸捷音漢臺凝望幾登臨洗兵未用挽天  
漢入夢應知有傳霖暖日晴消青海雪春風重掃黑

山陰

君王若問來歸策為說虞皇待象心

贈卿先生韓義和

草服黃冠玉練顏一壺天地市朝間飄飄野鶴雖無  
繫戀戀鄉情尚未慳幽睡不妨紅日晚青山誰似白  
雲閒何當一劍飛空去好為留題過故關

送常道人子明

道士何心作羽流擇音應避物為仇冷風身世三千  
界碧落仙居十二樓無地可留雲表鳥有懷終結竹  
林遊因君喚起西游興滿眼太行黃落秋

送劉同知還鎮陽紳士觀韻

幾人襟韻似君侯潘岳間居賦遠遊白雪高歌南郢  
重壽山長路太行秋隱居正有千林玉濯足何須萬  
里流一曲驪駒頓丘比碧雲零落使人愁

為王朝顯贈梁邦傑蕙簡邴勸農

漳南客子王朝顯日暮塗窮仗友生今長遠投四沁  
水傍冬索米入共城千金諾重河東守一府蓮香白  
璧卿詩藁不須詢幾束溪聲山色摠關情

和幹臣今晨所見

庚金乘火勢相高午夜秋風散鬱陶氣錯不調伊摯  
鼎兩滯空續楚臣騷人占樂歲無遺慮我覺天刑未  
可逃除治菊荒還寓目青山城郭幾週遭

大風

六合塵沙一混同群龍無力郭驚風旱乾到此誰歸  
咎天道從中見蔽蒙詩梳夢驚茅屋破山林春老綠  
陰空雄父便擬昌黎訟九虎當閣未易通

雨後草堂即事

駭浪崩騰點額餘歸來縮首伴凡魚門從席後軒車  
少鬢自蒼來酒錢踈坐掩殘書懷苦節自鋤明月種  
秋蔬鄰人共指揚雄宅只有兒童未喚烏

挽季子文

一丘宿草縣城東前日花時杖履同白壁玉不埋連邑  
價青燈空負十年功鵬來近舍傷君去麟出非時見  
道窮脩短偶然吾適值不須作賦問天公  
初從拱把見凌雲天意栽培似厚君大厦如傾榱棟  
在神交遽尔死生分白駒空谷歸何處夜雨它年不  
忍聞吾道已窮來者替兩行清淚為斯文  
絳帳絃歌日涕闐去煩從簡屢為言自春卧病無三  
月一死埋魂入九原桂實未霜驚早落鳥聲解語惜

空喧東門最是傷心地老父哀號血灑轅

五年六月初八日夜夢

遺山先生指授文格覺而賦之以紀其異  
分明昨夜夢遺山指授文衡履約問道必細論能出  
理文徒相剽亦何顏江流不廢驚千古霧管時窺得  
一斑落月滿梁清境覺紫桐花露濕吟冠

夏日南堂即事

一雨清涼恰四朝霧絲縈戶見蠓蛸病因戒酒成真  
止辭免書門絕妄交道拙尚憂兒墜簡家貧且喜稼  
盈郊閒庭綠蘚泥融遍燕子飛來補舊巢

同幹臣讀漳濱唱和詩軸

草堂舊雨記相尋細嚼漳濱唱和吟白雪調高鞋寡

和朱絃聲眇有遺音犀寒蒼渚竒逾出氣奪元胎理  
更深一洗向來箏笛耳坐聽三峽馮瑤琴

高山仰止為千尋更對佳人與細吟藝絕六鈞俱破  
的調高千古得知音靜藏晚兔無窮變法北滄溟不  
自深客去灑然心境寂滿軒秋氣入絲琴

謝人惠瓦甒

老雨崩崖為爾開野人携贈入芸齋埏陶有意存三  
代奠獻曾經備兩階上擁圓吭蹲野鶴中橫瞞復怒  
池蛙鉤深免汝居危地時插秋香慰老懷

六月初七日夜二更雷雨大作

落日山雲擁蓋幢二更雷起雨翻江六丁怒瀉銀河  
水千杖齊敲羯鼓腔耕壠握苗秋有望炎官收傘夜

深降一犁聞說西江上早晚龍移似老龐

和幹臣韻

雲漏踈星不滿天坐來風雨暗西山不憂鯨鱓翻滄海喜送涼颺入白間蜚不成災休紀異暑雖才伏暫知還雨傷旱損俱咨怨讀罷君詩壹破顏

雨后出門言懷

壯年祗死別猶薰老去收藏省一身祿不妄干時有待道從深探理彌真充腸有齋固云苦舉扇無塵可汚人洗我育襟閒硯磊門前秋水碧粼粼

萬書叢裏自陶薰浩浩堪輿寄一身未靜蟄坯存夜氣鳥飛魚泳見天真學從踐履安天世要經綸有若人林下幼安應未老且教雙足濯粼粼

和幹臣雨晴出郭之什

飲散公庭樂亦陶西湖乘興喜同遨河神偃蹇誇秋水山翠空濛上鬢毛乍脫城居驚眼放縱教詩思與秋高鴻飛燕集隨時處誰羨傭耕壟上豪

秋澗先生大全文集卷第十四



